

Na osnovu člana 12 Zakona o Direkciji za finansije Brčko distrikta Bosne i Hercegovine (Službeni glasnik Brčko distrikta BiH, broj: 19/07), a u skladu s članom 57 stavom 7 Zakona o računovodstvu i reviziji Brčko distrikta Bosne i Hercegovine (Službeni glasnik Brčko distrikta BiH, broj: 22/16) direktor Direkcije za finansije Brčko distrikta Bosne i Hercegovine, donosi:

**PRAVILNIK  
KOJIM SE UREĐUJE POSTUPAK IZDAVANJA, OBNAVLJANJA I ODUZIMANJA  
LICENCI OVLAŠTENIM REVIZORIMA I PREDUZEĆIMA OVLAŠTENIM ZA  
REVIZIJU**

**Član 1  
(Predmet)**

Pravilnikom kojim se uređuje postupak izdavanja, obnavljanja i oduzimanja licenci ovlaštenim revizorima i preduzećima ovlaštenim za reviziju (u daljnjem tekstu: pravilnik), propisuje se način i uslovi za izdavanje, obnavljanje i oduzimanje licence ovlaštenim revizorima i preduzećima ovlaštenim za reviziju koji svoje usluge pružaju u skladu sa Zakonom o računovodstvu i reviziji Brčko distrikta Bosne i Hercegovine (u daljnjem tekstu: Zakon) kao i način i postupak vođenja Registra preduzeća ovlaštenih za reviziju i Registra ovlaštenih revizora.

**Član 2  
(Organ nadležan za izdavanje licenci)**

Direkcija za finansije Brčko distrikta Bosne i Hercegovine (u daljnjem tekstu: „Direkcija“), u skladu s članom 57 Zakona, izdaje licencu na zahtjev ovlaštenim revizorima odnosno preduzećima ovlaštenim za reviziju.

**Član 3  
(Izdavanje licence ovlaštenom revizoru)**

- (1) Ovlašteni revizor podnosi zahtjev za izdavanje licence Direkciji, na obrascu koji je sastavni dio ovog pravilnika (ANEKS I).
- (2) Uz zahtjev iz stava 1 ovog člana, prilaže se:
  - a) ovjerena fotokopija certifikata izdatog u skladu s odredbama člana 5 stava 2 Zakona, ili certifikata nostrifikovanog u skladu s odredbama člana 9 Zakona,
  - b) ovjerena fotokopija lične karte ili drugog identifikacionog dokumenta,
  - c) uvjerenje izdato od strane nadležnog organa da nije krivično osuđivan iz oblasti privrednog poslovanja i sigurnosti platnog prometa, koje ne može biti starije od tri mjeseca od dana podnošenja zahtjeva,
  - d) uvjerenje izdato od strane nadležnog suda da se ne vodi krivični postupak, koje ne može biti starije od tri mjeseca od dana podnošenja zahtjeva,
  - e) dokaz o uplati administrativne takse na zahtjev.
- (3) Lica koja posjeduju licencu izdatu od strane nadležnog tijela u Republici Srpskoj ili Federaciji Bosne i Hercegovine uz zahtjev za izdavanje licence, pored navedenih dokumenata iz stava 2 ovog člana, prilažu i ovjerenu fotokopiju te licence.
- (4) Licenca se izdaje na period od tri godine.
- (5) Licenca izdata ovlaštenom revizoru obavezno sadrži: pravni osnov za izdavanje licence, naziv licence, ime i prezime, rok važenja licence, registracioni broj, mjesto i datum izdavanja, potpis direktora Direkcije i pečat Direkcije.
- (6) Licenca je zaštićena vodenim žigom.
- (7) Obrazac licence je sastavni dio ovog pravilnika (ANEKS III).

#### **Član 4**

##### **(Obnavljanje licence ovlaštenom revizoru)**

- (1) Licenca iz člana 3 ovog člana može se obnoviti odnosno produžiti nakon isteka iste, na zahtjev ovlaštenog revizora, na obrascu koji je sastavni dio ovog pravilnika (ANEKS I).
- (2) Uz zahtjev iz stava 1 ovog člana prilaže se:
  - a) uvjerenje izdato od strane profesionalnog tijela o ispunjenju uslova profesionalnog razvoja i kontinuiranoj edukaciji ovlaštenog revizora u skladu sa Zakonom,
  - b) uvjerenje da profesionalno tijelo protiv njega nije izricalo neku od mjera iz okvira svoje nadležnosti,
  - c) uvjerenje izdato od strane nadležnog organa da nije krivično osuđivan iz oblasti privrednog poslovanja i sigurnosti platnog prometa,
  - d) uvjerenje izdato od strane nadležnog suda da se ne vodi krivični postupak,
  - e) ovjerena fotokopija lične karte ili drugog identifikacionog dokumenta,
  - f) dokaz o uplati administrativne takse na zahtjev.
- (3) Uvjerenja iz stava 2 ovoga člana ne mogu biti starija od tri mjeseca od dana podnošenja zahtjeva.

#### **Član 5**

##### **(Oduzimanje licence ovlaštenom revizoru)**

- (1) Oduzimanje licence ovlaštenom revizoru Direkcija vrši u skladu s članom 60 stavom 2 Zakona.
- (2) Postupak oduzimanja licence vodi se u skladu s odredbama Zakona o upravnom postupku, donošenjem rješenja.
- (3) Po konačnosti rješenja iz stava 2 ovog člana Direkcija u Registru ovlaštenih revizora vrši evidentiranje podataka o oduzimanju licence.

#### **Član 6**

##### **(Izdavanje i obnavljanje licence preduzeću ovlaštenom za reviziju)**

- (1) Preduzeće ovlašteno za reviziju podnosi Direkciji zahtjev za izdavanje odnosno obnavljanje licence, na obrascu koji je sastavni dio ovog pravilnika (ANEKS II).
- (2) Uz zahtjev iz stava 1 ovog člana prilaže se:
  - a) ovjerena fotokopija izvoda iz sudskog registra,
  - b) ovjerena fotokopija certifikata ovlaštenih revizora i osnivača društva koji čine većinsko vlasništvo u preduzeću ovlaštenom za reviziju,
  - c) ovjerena fotokopija uvjerenja od nadležnog poreznog organa da nema neizmirenih poreznih obaveza, koje ne može biti starije od tri mjeseca od dana podnošenja zahtjeva,
  - d) ovjerena fotokopija uvjerenja od nadležnog organa da nema neizmirenih obaveza po osnovu doprinosa, koje ne može biti starije od tri mjeseca od dana podnošenja zahtjeva,
  - e) ovjerena fotokopija statuta preduzeća ovlaštenog za reviziju,
  - f) ovjerena fotokopija internog akta o metodologiji obavljanja usluga revizije,
  - g) ovjerena fotokopija dokaza o zapošljavanju ovlaštenog revizora ili više njih (prijave na fondove za socijalno osiguranje, pojedinačno kao i fotokopije radnih knjižica),

- h) ovjerena fotokopija dokumenata kojim strana pravna lica, pravna lica iz Republike Srpske i Federacije Bosne i Hercegovine dokazuju da su u matičnoj zemlji, Republici Srpskoj ili Federaciji Bosne i Hercegovine registrirani za obavljanje usluga revizije.
  - i) uvjerenje od nadležne institucije da je preduzeće ovlašteno za reviziju upisano u registar preduzeća ovlaštenih za reviziju, koje ne može biti starije od tri mjeseca od dana podnošenja zahtjeva,
  - j) dokaz o uplati administrativne takse na zahtjev.
- (3) Licenca se izdaje na period od tri godine.
  - (4) Licenca izdata preduzeću ovlaštenom za reviziju obavezno sadrži: pravni osnov za izdavanje licence, naziv licence, naziv preduzeća ovlaštenog za reviziju, registracioni broj, mjesto i datum izdavanja, potpis direktora Direkcije i pečat Direkcije.
  - (5) Licenca je zaštićena vodenim žigom.
  - (6) Obrazac licence je sastavni dio ovog pravilnika (ANEKS IV).

## **Član 7**

### **(Oduzimanje licence preduzeću ovlaštenom za reviziju)**

- (1) Oduzimanje licence preduzeću ovlaštenom za reviziju vrši Direkcija u skladu s članom 60 stavom 1 Zakona.
- (2) Postupak oduzimanja licence vodi se u skladu s odredbama Zakona o upravnom postupku donošenjem rješenja.
- (3) Po konačnosti rješenja iz stava 2 ovog člana Direkcija u Registru preduzeća ovlaštenih za reviziju vrši evidentiranje podataka o oduzimanju licence.

## **Član 8**

### **(Registar preduzeća ovlaštenih za reviziju i Registar ovlaštenih revizora)**

- (1) Direkcija vodi Registar preduzeća ovlaštenih za reviziju i Registar ovlaštenih revizora u skladu s članovima 58 i 59 Zakona.
- (2) Registar ovlaštenih revizora sadrži podatke posebno pod "A - aktivni" za ovlaštene revizore koji su zaposleni u preduzeću ovlaštenom za reviziju ili angažovani na drugi način od strane preduzeća ovlaštenog za reviziju i posebno pod "B - neaktivni" za ovlaštene revizore koji posjeduju certifikat, odnosno licencu ovlaštenog revizora, a nisu zaposleni niti su angažovani na drugi način od preduzeća ovlaštenog za reviziju.
- (3) Registar iz stava 1 ovog člana ima karakter javnog dokumenta i objavljuje se na internet stranici Direkcije.

## **Član 9**

### **(Registarski brojevi preduzeća ovlaštenih za reviziju i ovlaštenih revizora)**

Registarski brojevi preduzeća ovlaštenih za reviziju i ovlaštenih revizora se sastoje od deset brojeva i ne mogu se mijenjati, niti se isti registarski broj može naknadno dodijeliti drugom preduzeću ovlaštenom za reviziju, odnosno ovlaštenom revizoru.

## **Član 10**

### **(Stupanje na snagu pravilnika)**

Ovaj pravilnik stupa na snagu osmog dana od dana objavljivanja u Službenom glasniku Brčko distrikta BiH.

Broj: 02-04.1- 483 /17

Datum: 18. 08. 2017. godine

Direktor Direkcije

Mato Lučić, dipl. oec., s. r.

**ANEKS I**

**DIREKCIJA ZA FINANSIJE/FINANCIJE  
BRČKO DISTRIKTA BOSNE I HERCEGOVINE**

**ZAHTJEV  
ZA IZDAVANJE/OBNAVLJANJE (PRECRTATI NEPOTREBNO) LICENCE  
OVLAŠTENOM REVIZORU**

1.	Ime i prezime	
2.	JMBG	
3.	Adresa	
4.	Kontakt podaci: tel., fax. E-mail	
5.	Naziv tijela koje je izdalo certifikat, broj i datum certifikata	
6.	Broj licence (odgovarajućeg dokumenta) izdate u stranoj zemlji, Republici Srpskoj ili Federaciji BiH	
7.	Naziv preduzeća ovlaštenog za reviziju i registarski broj u kojem je zaposlen	
8.	Naziv preduzeća ovlaštenog za reviziju i registarski broj u kojem je angažovan na drugi način od strane preduzeća ovlaštenog za reviziju	
9.	Broj postojeće licence	

Mjesto i datum:

\_\_\_\_\_

Podnosilac zahtjeva: \_\_\_\_\_

## ANEKS II

DIREKCIJA ZA FINANSIJE/FINANCIJE  
BRČKO DISTRIKTA BOSNE I HERCEGOVINE

**ZAHTJEV  
ZA IZDAVANJE/OBNAVLJANJE (PRECRTATI NEPOTREBNO) LICENCE PREDUZEĆU  
OVLAŠTENOM ZA REVIZIJU**

1.	Naziv preduzeća ovlaštenog za reviziju	
2.	Adresa: Web adresa:	
3.	MBS	
4.	Pravni oblik i ID broj (porezni)	
5.	Kontakt osoba	
6.	Kontakt podaci: tel., fax. e-mail	
7.	Adrese svih ureda u državi	
8.	Ovlašteni revizori preduzeća ovlaštenog za reviziju: Ime i prezime, adresa, registarski broj	
9.	Članovi/dioničari preduzeća ovlaštenog za reviziju: Ime i prezime, poslovna adresa	
10.	Članovi uprave/nadzornog odbora: Ime i prezime, poslovna adresa	
11.	Naziv preduzeća članica mreže, adresa, dodatne informacije	
12.	Broj postojeće licence	

**Napomena:**

Pod rednim brojem 3 upisuje se broj subjekta pod kojim je preduzeće ovlašteno za reviziju registrovano u sudskom registru.

Pod rednim brojem 8 upisuje se registarski broj ovlaštenih revizora dodijeljen upisom u registar Direkcije za finansije.

Pod rednim brojevima 9 i 10 upisuju se podaci za svakog člana pojedinačno.

Pod rednim brojem 11 upisuju se nazivi i adrese preduzeća članica i povezanih preduzeća, odnosno uputstva o mjestu gdje je takav podatak javno dostupan.

Mjesto i datum:

Podnosilac zahtjeva: \_\_\_\_\_

\_\_\_\_\_

ANEKS III

Bosna i Hercegovina  
БРЧКО ДИСТРИКТ  
BOSNE I HERCEGOVINE  
ДИРЕКЦИЈА ЗА ФИНАНСИЈЕ / FINANCIJE

Босна и Херцеговина  
БРЧКО ДИСТРИКТ  
БОСНЕ И ХЕРЦЕГОВИНЕ  
ДИРЕКЦИЈА ЗА ФИНАНСИЈЕ

Na osnovu člana 57. Zakona o računovodstvu i reviziji Brčko distrikta Bosne i Hercegovine („Službeni glasnik Brčko distrikta BiH“, broj:22/16) i u skladu sa članom 3. i 4. Pravilnika kojim se uređuje postupak izdavanja, obnavljanja i oduzimanja licenci ovlaštenim revizorima i preduzećima ovlaštenim za reviziju (Službeni glasnik Brčko distrikta BiH“, broj: \_\_\_/17, Direkcija za finansije Brčko distrikta BiH

*izdaje*

# L I C E N C U O V L A Š T E N O M R E V I Z O R U

(ime i prezime)

NA OSNOVU KOJE OSTVARUJE PRAVA I PREUZIMA OBAVEZE  
DA OBAVLJA REVIZIJU U SKLADU SA ZAKONOM

Ova licenca važi do \_\_\_\_\_ godine.

Imenovan je upisan u Registar ovlaštenih revizora pod registarskim brojem: \_\_\_\_\_

**DIREKTOR DIREKCIJE ZA FINANSIJE**

Brčko, \_\_\_\_\_ godine

Bosna i Hercegovina  
BRČKO DISTRIKT  
BOSNE I HERCEGOVINE  
**DIREKCIJA ZA FINANSIJE / FINANCIJE**

Босна и Херцеговина  
БРЧКО ДИСТРИКТ  
БОСНЕ И ХЕРЦЕГОВИНЕ  
**ДИРЕКЦИЈА ЗА ФИНАНСИЈЕ**

Na osnovu člana 57. Zakona o računovodstvu i reviziji Brčko distrikta Bosne i Hercegovine („Službeni glasnik Brčko distrikta BiH“, broj:22/16) i u skladu sa članom 6. Pravilnika kojim se uređuje postupak izdavanja, obnavljanja i oduzimanja licenci ovlaštenim revizorima i preduzećima ovlaštenim za reviziju („Službeni glasnik Brčko distrikta BiH“, broj:\_\_\_/17, Direkcija za finansije Brčko distrikta BiH

*izdaje*

# L I C E N S U

## PREDUZEĆU OVLASŢENOM ZA REVIZIJU

(naziv preduzeća)

NA OSNOVU KOJE OSTVARUJE PRAVA I PREUZIMA OBAVEZE  
DA OBAVLJA DJELATNOST ZA KOJU JE REGISTROVANO

Imenovano preduzeće ovlašteno za reviziju je upisano u Registar preduzeća ovlaštenih za reviziju pod registarskim brojem: \_\_\_\_\_

**DIREKTOR DIREKCIJE ZA FINANSIJE**

Brčko, \_\_\_\_\_ godine